

ANTIKORUPCIJSKA MREŽA ORGANIZACIJA CIVILNOG DRUŠTVA

ACCOUNT

**MREŽA ACCOUNT
UPUTILA PRIJEDLOGE
ZA IZMJENE I
DOPUNE ZAKONA O
ZAŠTITI
PRIJAVITELJA
KORUPCIJE U
INSTITUCIJAMA BIH**

Fondacija INFOHOUSE, u sklopu Mreže ACCOUNT, a u saradnji sa Udruženjem KAM i Udruženjem JUSTICIA dostavila je Parlamentarnoj komisiji za izbor i praćenje rada APIK-a primjedbe i prijedloge za unapređenje Zakona o zaštiti prijavitelja korupcije u institucijama BiH. Otklanjanje uočenih nedostataka u ovom Zakonu doprinijelo bi stvaranju adekvatnog pravnog okvira u ovoj oblasti, spriječila bi se moguća zloupotreba diskrecionih ovlaštenja i omogućila adekvatna zaštita licima koja prijave korupciju. Konkretno, upućeno je 16 prijedloga za izmjene i dopune, od kojih se najvažniji odnose na prijedlog da se u Zakonu preciziraju rokovi u postupku otklanjanja štetne radnje. Naime, potrebno je precizirati rokove u postupku prijavljivanja u kojima je APIK dužan da od institucija zatraži relevantnu dokumentaciju. Isti je slučaj i kada je u pitanju rok i obaveza APIK-a da zatraži od Upravne inspekcije Ministarstva pravde BiH da ispita navode i utvrdi činjenice u vezi s prethodnim. Zakonom nije preciziran ni rok Upravne inspekcije u kojem ona treba da poduzme, kako je istim članom navedeno, „*zakonom predviđene mjere i dostavi zapisnik APIK-u.*“

Također, predloženo je i da se utvrde jasni postupci internog i eksternog prijavljivanja, jer je ostavljeno široko diskreciono pravo institucijama (interno), odnosno APIK-u (eksterno) da odlučuje po svom nahođenju. Predloženo je i preciznije definisanje postupka dodjele statusa uzbunjivača.

Izvještaj sa prijedlozima je izrađen uz podršku Projekta jačanja institucija vlasti i procesa u BiH (USAID/SGIP). Izvještaj ne mora nužno odražavati mišljenja USAID-a ili Vlade SAD-a ili USAID/SGIP projekta.

Interview

www.interview.ba

D.B iz Sarajeva odlučila je Mreži ACCOUNT prijaviti pokušaj kršenja zakona prilikom imenovanja novog v.d. direktora u Osnovnoj školi „Fatima Gunić“. Posredstvom Antikorupcione mreže u BiH - ACCOUNT, korupcija pri zapošljavanju je spriječena.

Pročitajte priču:

<http://interview.ba/intervju/item/225-b-d-b-prijaviteljica-korupcije-b-kolegice-sute-je-se-boje-odmazde>

Interview

INTERVIEW A-Z UREDNIKOV IZBOR VIDEO KONTAKT

nedjelja, 29 Oktobar 2017 16:00

D.B. prijaviteljica korupcije: Kolegice šute jer se boje odmazde

D.B iz Sarajeva odlučila se Mreži ACCOUNT prijaviti pokušaj kršenja zakona prilikom imenovanja novog v.d. direktora u Osnovnoj školi „Fatima Gunić“. U vrijeme kada je situacija došla do tog momenta da nema drugog izlaza. I uspjelo je. Međutim, ovo je samo jedan od primjera iz mreže korupcije koja je prisutna u školstvu – politički i lični interesi, kupovina radnih mjesta. Sve o čemu se zna, ali se šuti. Bez razmišljanja o tome kakve su posljedice po djecu i šta bi sve prijavljivanje nezakonitosti i koruptivnih radnji moglo promijeniti. Ovo je njena priča.

Razgovarao/a: Asim Bešlija
Foto: arhiva

INTERVIEW A-Z

Bahić: Voljela bih kreirati stopama Branke Isić

Seksan: Sanjam o državi bez nacionalnog ključa

D.B. prijaviteljica korupcije: Kolegice šute jer se boje odmazde

KORUPCIJA JE JAVNA Tajna „Kolegice šute jer se boje odmazde. I naravno, nikada niko neće priznati da je dao pare da bi radio, a javna je tajna da se u toj školi zapošljavalo samo ako si dao pare. Kako jedna osoba u aprilu može pričati da će raditi u određenoj školi, a tu još nije upražnjeno radno mjesto, kolegica „iznenada“ odlazi u penziju u augustu i po konkursu prime baš tu osobu. Naravno, dogovor sa direktorom je postignut ranije“.

SVAKA TREĆA BH. INSTITUCIJA KRŠI ZAKON:



Press MT Zvizdači

Veliki broj bh. institucija ne poštuje Zakon o zaštiti lica koja prijavljuju korupciju u institucijama BiH, nemaju uputstva, pravilnik, obrazce, te kontakt za prijavu korupcije, pokazao je monitoring ovog zakona kojeg je proveo Centar za razvoj civilnog društva iz Doboja (CRCD). Gotovo svaka treća bh. institucija tj. njih 27%, nisu ispunile zakonsku obavezu o objavi pravilnika/uputstva za prijavu korupcije na svojoj web stranici iako je rok za objavu bio 90 dana od dana stupanja na snagu Zakona o zaštiti lica koja prijavljuju korupciju u institucijama BiH, koji je usvojen još 2013. godine. Naime, monitoring dostupnosti mehanizama za prijavljivanje korupcije u institucijama BiH pokazuje da 49% bh. institucija na web stranici nema objavljen/dostupan obrazac za prijavu korupcije, 83% nema kontakt (e-mail, telefonska linija, etička linija) za prijavu korupcije te 91% bh. institucija nema objavljenu/dostupnu odluku/obavijest o imenovanju tijela za razmatranje internih prijava korupcije.

MONITORING PRIMJENE AKCIONIH PLANOVA ZA BORBU PROTIV KORUPCIJE

Predstavnici šest članica Mreže ACCOUNT oktobar su proveli na terenu. U sklopu monitoringa primjene akcionih planova za borbu protiv korupcije u trinaest općina koje su uz podršku ACCOUNT-a izradile ove planove (2015-2017), razgovarali su sa predstavnicima općina o realiziranim mjerama. Sve kako bi saznali da li su provedene mjere pozitivno ili negativno utjecale na život u lokalnim zajednicama. Do sada monitoring je izvršen u **Goraždu, Općini Pale (FBiH), Općini Foča (FBiH), Ljubuškom, Čitluku, Odžaku, Ugljeviku, Loparama, Usori, Gračanici i Lukavcu.** (Fotografija desno)



REZULTATI



MT Obrazovanje

Škole prepoznale važnost edukacije o antikorupciji

Škole širom Bosne i Hercegovine prepoznale su važnost uvođenja programa etike i antikorupcije u nastavne planove i programe. Rezultati ACCOUNT-ovog monitoringa u sektoru obrazovanja pokazali su da čak 87% anketiranih obrazovnih ustanova smatra da je uvođenje programa etike i antikorupcije važno i potrebno za izgradnju i jačanje opšte kulture etičnosti, integriteta i odgovornosti u društvu. Osim toga, 18% bh. škola u nastavni proces već je uvelo program etike i antikorupcije, a 5% anketiranih nastavnika je prošlo obuku za implementaciju ovog programa.

Što se tiče uvođenja antikoruptivnih procedura, tek svaka četvrta anketirana škola ima mehanizam za prijavu korupcije i plan borbe protiv korupcije, a 48% anketiranih ima etički kodeks.

“Generalno gledano, uvođenje antikoruptivnih procedura i edukativnih programa škole posmatraju kao dodatnu obavezu, te su nevoljko i šturo odgovarale na upitnike. Ipak, ohrabruje podatak da postoji jasna svijest o važnosti i potrebi uvođenja antikoruptivnih programa u obrazovni proces” - istakao je Aleksandar Žolja, koordinator istraživanja.

Helsinški parlament građana Banja Luka, u saradnji sa partnerskim organizacijama Perpetuum Mobile Banjaluka, Centrom za promociju civilnog društva Doboj i Centrom za ženska prava Zenica, realizovao je monitoring u 82 osnovne i srednje škole, sa fokusom na primjenu antikorupcionih procedura u obrazovnim ustanovama i institucijama i implementaciju programa etike i antikorupcije.


ŽURNAL ISTRAŽUJE I OBJAVLJUJE

PO NALOGU PREMIJERA: Sarajevske pse ubijaju na gradskoj deponiji Smiljevići!

Online magazin Žurnal i u mjesecu oktobru istražuje o korupciji, kriminalu i zloupotrebi javnih ovlaštenja i budžetskih sredstava na području cijele Bosne i Hercegovine. Otkriveno je da iza rušenja dječijeg parka i izgradnje poslovnog centra stoje lični interesi SDA, te da je novac za zapošljavanje osoba sa invaliditetom trošen na nabavku fitness sprava, kao i to kako je načelnik Općine Novi Grad 80.000 maraka dao svom stranačkom šefu, a takođe i kako je isti tajkunu SDA oprostio naplatu 280.000 maraka.

Novinari Žurnala su još istraživali i o tome kako je Civilna zaštita za NATO vježbu potrošila 600.000 maraka, te kako je Nezavisni operater sistema za polovni prostor na Palama potrošio 2,3 miliona maraka. Možete pročitati ko su sudski vještaci iz oblasti ekonomije, kao i to da Uprava Autocesta FBiH na tenderu pokušava ukloniti prvorangirani konzorcije, ali ko su članovi Izvršnog odbora NS BiH. Otkriveno je još da je opljačkana arhiva Općinskog suda u Tuzli i da su djeca ministara MUP-a Hercegbosanske županije u Hrvatskoj dobila stipendije za ugrožene studente.

Čitajte Žurnal!



SARADNJA

NOVE OPĆINE U BORBI PROTIV KORUPCIJE

U proteklom periodu Antikorupciona mreže u BiH - ACCOUNT i općine Breza, Ilijaš, Travnik i Visoko potpisale su memorandume o saradnji na izradi akcionih planova za borbu protiv korupcije na lokalnom nivou. Načelnik Općine Travnik, Admir Hadžiemrić, istakao je da će Travnik u saradnji sa ACCOUNT-om, u okviru ovog akcionog plana, usvojiti određene principe rada. „*Na ovaj način želimo da pokažemo da je općina opredjeljena za borbu protiv korupcije i samim tim za dobrobit svih građana koji ovdje žive. Mi želimo da radimo transparentno ali i da budemo primjer drugim općinama*“ – istakao je.



Potpisivanje Breza



Potpisivanje Ilijaš



Potpisivanje Visoko



Potpisivanje Travnik



Sastanak CGS Livno-Općina Bosansko Grahovo

Predstavnici Centra za građansku suradnju Livno održali su krajem septembra sastanak sa Duškom Radunom, načelnikom Bosanskog Grahova. Dogovorena je saradnja oko izrade antikorupcionog akcionog plana. Sastanku je prisustvovala Danka Zelić, direktorica UG Grahovo, koja je partnerska organizacija u ovom projektu, Luka Krstanić, predsjednik OV Tomislavgrad i Asmir Orman, predstavnik Centra za građansku suradnju Livno.

Radna grupa za izradu akcionog plana za borbu protiv korupcije sredinom mjeseca oktobra **utvrdila je prijedlog teksta Akcionog plana za borbu protiv korupcije u lokalnoj upravi Grada Bihaća (2017 - 2019)**. Plan je dostavljen gradonačelniku Šuhretu Fazliću, koji će ga proslijediti na dalje postupanje Gradskom vijeću Grada Bihaća.

PRIZMA BRČKO:

Političari bi se prema građanima trebali odnositi sa mnogo više odgovornosti

PRIZMA Brčko je u proteklom mjesecu vodila kampanju usmjerenu na stvaranje pritiska prema političkim subjektima u Brčko distriktu BiH radi njihovog odgovornijeg odnosa prema građanima. Suština kampanje se ogleda u pritisku prema političkim subjektima da prevashodno poštuju svoje stranačke dokumente jer ako krše odredbe svojih statuta za očekivati je da će se tako odnositi i prema zakonima i drugim normativnim aktima. Politički subjekti delegiraju svoje kadrove u izvršnu i zakonodavnu vlast i ako su skloni nepoštivanju vlastitih stranačkih i partijskih odredbi i provođenju samovolje, to se prenosi i na javne funkcije gdje isti krše zakone ili kreiraju zakonska rješenja koja pogoduju korupciji i kriminalu.

Održani sastanci sektorskih grupa

U proteklih mjesec dana, članice sektorskih grupa "Obrazovanje", "Zdravstvo" i "Zviždači" održali su u redovne sastanke. Tom prilikom su predstavljeni dosadašnji rezultati postignuti u okviru djelovanja sektorskih grupa, a najavljene su i nove aktivnosti za period 2017.-2018. godine. Također, razgovaralo se o idejama i prijedlozima kojima će se obilježiti dan i sedmica borbe protiv korupcije.



Sektorska grupa zdravstvo

NOVA KAMPANJA

MOJE RUKE SU ČISTE, A TVOJE? Udruženje CROA, u okviru projekta: „*Prevenција korupcije u obrazovanju: Više znanja, više transparentnosti*“, pokrenulo je online kampanju „*Moje su ruke čiste*“ koja za cilj ima jačanje svijesti o potrebi spriječavanja korupcije. Kampanjom su pozvali mlade iz Bosne i Hercegovine da javno objave selfi fotografija na društvenim mrežama na kojima sa podignutim dlanovima poručuju da nisu bili učesnici koruptivnih radnji.



ZAKON O ZAŠTITI PRIJAVITELJA KORUPCIJE USKORO I NA NIVOU FBIH

Fondacije INFOHOUSE i Ministarstvo pravde FBiH dogovorili su početak izrade nacerta Zakona o zaštiti prijavitelja korupcije na nivou Federacije BiH, a u sklopu Antikorupcione mreže u BiH – ACCOUNT. Dogovoreno je potpisivanje Memoranduma o saradnji i formiranje radne grupe. Ervin Turbić iz Udruženja JUSTICIJA imenovan je za člana radne grupe ispred Mreže ACCOUNT.

NAJAVLJUJEMO!!!!!!

- Obilježavanje antikorupcione sedmice u decembru
- Rezultati monitoringa primjene antikoruptivnih akcionih planova na lokalnom nivou
- Nastavak edukacije o etici i antikorupciji za nastavnike i profesore osnovnih i srednjih škola u Kantonu Sarajevo, SBK i Brčko distriktu BiH

